



Broj: ~~D1~~-04-0708-5/25
Sarajevo, 15.05.2025.godine

SKUPŠTINA KANTONA SARAJEVO
Služba za Skupštinske poslove

PREDMET: Odgovor na zastupničko pitanje-dostavlja se

Zastupnica Marijela Hašimbegović je na Dvadesetoj Radnoj sjednici Skupštine Kantona Sarajevo, održanoj 14.03.2025.godine, u okviru tačke Dnevnog reda „Poslanička/zastupnička pitanja, inicijative i odgovori“ postavila pitanje koje se odnosi na slobodne lokacije za osnivanje apoteka.

U vezi sa dostavljenim pitanjem, Ministarstvo zdravstva Kantona Sarajevo dostavlja sljedeći

O D G V O R

Na području Kantona Sarajevo trenutno postoji 178 apoteka, od čega 40 poslovnih jedinica u sastavu JU Apoteke Sarajevo čiji je osnivač Kanton Sarajevo i 139 jedinica privatnog sektora od čega su 27 privatnih apoteka i 111 Privatnih zdravstvenih ustanova sa ograncima i depoima.

Pravilnikom o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije („Službene novine Federacije BiH“, broj 44/12, 23/13, 27/14 i 36/19) utvrđeni su demografski i geografski kriteriji putem kojih se utvrđuje potreban broj apoteka za područje kantona.

Član 3. ovog Pravilnika glasi: „Apoteka se osniva u skladu sa geografskim i demografskim kriterijima. Dozvoljeno je osnivanje jedne apoteke za snabdijevanje lijekovima, i to na 3.000 stanovnika. U općinama, gradovima, odnosno gradskim i ruralnim oblastima sa više od 3.000 stanovnika za snabdijevanje lijekovima dozvoljeno je osnivanje dvije apoteke za najmanje 8.000 stanovnika, odnosno svaka sljedeća apoteka može se osnovati na svakih daljih 5.000 stanovnika, polazeći od 8.000 stanovnika.“

Prosječan broj stanovnika Kantona Sarajevo po apoteci, prema postojećem broju apoteka je 2.361,16 stanovnika i kreće se u rasponu od 1449.47 stanovnika na području Općine Centar do 3.490.83 stanovnika po apoteci na području Općine Ilijaš. U nekim od navedenih Općina, odnosno

njihovim pripadajućim Mjesnim zajednicama postoje evidentne potrebe za apotekom te će upravo to biti osnova za razmatranje i dalje postupanje po navedenom pitanju.

Ujedno, obavještavamo Vas da je Ministarstvo zdravstva Kantona Sarajevo pokrenulo inicijativu ka Federalnom ministarstvu zdravstva za donošenje novog Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije posebno skrećući pažnju na demografske i geografske kriterije za lokacije apoteka.

S poštovanjem,

DOSTAVITI:

- Naslovu
- a/a



Prim. mr sci. dr

Hasanović